

Headline	Fama bantu pekebun jagung		
MediaTitle	Sinar Harian (Terengganu)		
Date	09 May 2018	Color	Full Color
Section	News	Circulation	160,000
Page No	56	Readership	509,000
Language	Malay	ArticleSize	202 cm <sup>2</sup>
Journalist	N/A	AdValue	RM 1,415
Frequency	Daily	PR Value	RM 4,245



**Masalah pemasaran jagung dihadapi tiga petani di Kampung Gaung berakhir setelah pihak Fama ambil inisiatif membeli hasil tanaman mereka.**

## ***Fama bantu pekebun jagung***

HULU TERENGGANU - Keresahan tiga petani di Kampung Gaung sejak seminggu lalu yang dibelenggu masalah pasaran bagi hasil tanaman jagung mereka, berakhir setelah Fama mengambil inisiatif membeli buah berkenaan.

Pegawai Fama Daerah Hulu Terengganu, Mohd Zulkhairi Razak berkata sebanyak

6,000 tongkol jagung dibeli dengan nilai RM4,200 sekaligus melegakan petani-petani berkenaan.

"Masalah ini ekoran kurangnya permintaan dalam pasaran dan hasil diusahakan mereka sebelum ini biasanya dijual kepada pemborong sekitar daerah Hulu Terengganu serta Marang.

"Bagaimanapun, kali ini pemborong-pemborong yang biasa petani berurusan itu tidak kelihatan berikutan mereka lebih tertumpu pada hasil tanaman tembikai

sekitar Setiu dan Besut.

"Keadaan ini menyebabkan tiga petani ini tidak dapat memasarkan jagung hasil tanaman mereka. Masalah diatasi setelah Fama Daerah Hulu Terengganu adakan perjumpaan serta perbincangan dengan petani terbabit.

"Semalam (kelmarin), Fama melalui Pusat Operasi Fama Kuala Terengganu telah membeli semua hasil tersebut selama dua hari," katanya kepada Sinar Harian.

Tambah beliau, Fama berharap petani yang menjalankan aktiviti pertanian agar menyertai Program Ladang Kontrak bagi mengatasi masalah yang sama berulang.

"Melalui Program Ladang Kontrak di bawah Kementerian Pertanian dan Industri Asas Tani, masalah petani dapat diatasi bukan sahaja dari segi pasaran, malah berkaitan masalah penyakit, perairan dan bantuan input pertanian," ujarnya.